



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXX.

urn:nbn:de:hbz:466:1-11453

diè vexationibus per partes reddere sunt coacti, quod semel abstulerunt. Inde in treugas res omnis conyicitur: quæ aliquoties renouata, in tēpora nostra peruenerunt, necdum pace ad liquidum firmata ac restituta.

CAPVT XXX.

Albertus Vngariæ Bohemiæq; rex, per vxorem Sigismundi filiam, rex Romanorum per electionem, in alterum annum præfuit Imperij rebus, breuius exemptus humanis, quam par esset Christianismo: Tumulatur in Alba regali Vngariæ ad latus soceri sui, relictis duabus filiabus, quarum alteram accepit Casimirus rex Polonia: ex q; ea genuit reges, qui hodiè tenent auita regna, Bohemia & Vngariæ. Alteram duxit Wilhelmus Lantgrauius Thuringiæ, dux Saxoniæ, & ex ea sustulit filiam, quam dedit Iohanni, Alberti filio, Brädenburgensi marchioni: ex qua natus filius Ioachim, hodiè marchiam gubernat Brädenburgensem, & dignitatem implet electuræ, post patrem atque auum: cui sponsa est hodiè filia Danorum regis Iohannis. Reliquit autem idem Albertus Bohemia, Vngariæ, Romanorum, rex, vxorem prægnantem, quæ legitimo tempore peperit filium posthumum Ladislaum, maxima spei puerum: quem, vt in Scandalia diximus, multa suorum instantia obtinuit mater primùm fieri regem Vngariæ: nam illi genti nomine ipso iam erat conciliatus: quod Ladislaus, à sanctissimo rege Vngariæ mutuato vocabulo, diceretur. Ad Bohemiam quoque non diu post rex assumitur, & ad Austria non minùs ducatum: Certamen enim pro puero tres prouinciæ, quod ibidem ostendimus, habuerunt. Sed iterùm Imperio vacante ad annum à Christo quadragesimum post mille quadringentos, conuenère principes electores in solitum deligendi regis

regis

regis locum Francfordiam, elegeruntque Fridericum Austria ducem, Alberti regis fratrem patrualem, adolescentem tum moribus maturum: Vicesimum enim sextum, aut circiter, cum eligeretur, agebat: in quo spes tum maxima fuit sustinendi Imperij: Sed erat ille Fabio Maximo propior, quam Scipioni, multa reponens in cunctatione: nihil illi de celeritate cōficienda rei. Sed hæc postea. Prima illi fuit cura, sublata de natione Germanica neutralitate, cui à temporibus assumpti Alberti inhærebat, subdere colla Eugenio pontifici. Placavitq; Amadeum Sabaudia ducem, quem Basileensi concilio creatum pontificem, dixere Felicem. Ille enim suasu Friderici regis, posito pontificis nomine, ad pedes venit Eugenij, qui illum legationis titulo perornavit. Tum concilium Basileense, subductis paulatim patribus, coepit evanescere. Laus egregia Friderici, pacem ecclesie reddidisse: sed aliquanto maior, si hoc adiecisset operi suo, ut auro provincia non emungantur, vel ut ipse pater patrum, ex auro, quod ex annatis corrodit, Christianismum tutaretur, non suos nepotes glorificaret. Hæc qualicunq; oculo tum rex, ut per omnem ætatem reliqua Imperij detrimenta, dissimulabat.

CAPVT XXXI.

ADolphus per ea tempora dux Slesuicensis & comes Holsatia, qui cum difficili ac diuturno bello, pro eo ducatu cum Danorum rege dimicasset: iam Christophoro Bauaro in regem assumpto, ducatum de manu regis accepit in feudum, redditaq; sunt ei omnia, que olim ad ducatum pertinebant, quæq; longo tempore inquietata fuere à diebus cæsi patris eius: cum primum Margareta regina, deinde Ericus rex eius adoptione filius multa inde per annos supra triginta tulissent, de quibus
concer-